



Broj: **03/1-50-14-7-35-8/17**

Sarajevo, 8.5.2017.

**PREDMET:** Informacija o sastanku predsjedavajućeg Zajedničke komisije za odbranu i sigurnost BiH s vojnim atašeuom SAD-a u BiH, Sarajevo, 23.2.2017.

Sifet Podžić, predsjedavajući Zajedničke komisije za odbranu i sigurnost BiH, 23.2.2017. u Sarajevu je razgovarao s brigadirom Markom M. Karasom, visokim vojnim predstavnikom i vojnim atašeuom SAD-a u BiH.

Tokom sastanka predsjedavajući Podžić upoznao je brigadiru Karasa s aktivnostima Zajedničke komisije za odbranu i sigurnost BiH tokom 2016.godine i orijentacionim planom za nadzor sektora odbrane i sigurnosti BiH za 2017.godinu.

Razmijenjena su mišljenja o brojnim pitanjima koja se odnose na stanje u sektoru odbrane, posebno na tok provođenja dokumenta „Pregled odbrane“na stanje personala u Oružanim snagama BiH, proces realizacije nabavki za potrebe sektora odbrane, ispunjavanje uslova za aktiviranje Akcionog plana za članstvo u MAP-u te rješavanje pitanja koja bi u cjelini dala dodatni impuls u procesu opremanja i modernizacije sektora odbrane u skladu sa usvojenim Planom modernizacije Oružanih snaga BiH.

Isto tako, razmijenjena su mišljenja o bilateralnoj saradnji Bosne i Hercegovine i SAD-a u domenu odbrane s posebnim osvrtom na tok realizacije projekata usmjerenih na daljnje osposobljavanje pripadnika Oružanih snaga BiH te razvijanje stepena interoperabilnosti i standarda koji ih čine vjerodostojnim partnerima u operacijama podrške miru te pomoći civilnom stanovništvu tokom elementarnih nepogoda.

Predsjedavajući Zajedničke komisije  
**Sifet Podžić**

**Dostavljeno:**

-naslovu

- a/a